

# ESHTRA TË THARA

Nga Toni Alamo

Profetizimi i Ezekielit të Dhjatës të Vjetër i dërgoi Zotin një vizion. I doli përpara syve një luginë e shtruar me eshtra të thara, që simbolizonin vdekësirën shpirtërore të Izraelit dhe të botës mbarë. Ky vizion parathoshte ardhjen e parë të Krishtit, predikimin e ungjillit prej Tij dhe për pasojë, ringjalljen e parë nga vdekja në jetën e përjetshme për të gjithë ata që i besojnë “Fjalës së Zotit”.<sup>1</sup>

I tha Zoti Ezekielit: “Bir njeriu, a mund të jetojnë këto eshtra? [Jetojnë dot ata që u ka vdekur shpirti?]” dhe Ezekieli iu pergjigj “O Zot, ti e di, se ti i ke bërë”.<sup>2</sup> Dhe Zoti i foli prapë profetit duke i thënë: “Profetizoju këtyre eshtrave dhe u thuaj: Eshtra të thara, dëgjoni Fjalën e Zotit. Kështu iu flet Zoti Ynë këtyre eshtrave: Ja, unë po ju fut frymën dhe ju do të jetoni”.<sup>3</sup>

Izraeli e dinte se kishte marrë fund si komb.<sup>4</sup> Edhe sot e kësaj dite ai mbetet i ndarë si mos më keq. Por Zoti i tha Ezekielit se Ai do të ngrinte më këmbë një tjetër komb, më madhështor edhe se Izraeli i parë i cili nuk kish hequr dorë nga të mëkatuarit. Izraeli i dytë do të krijohet si popull nga të gjitha kombet e botës,<sup>5</sup> nga pak Çifutë të zgjedhur dhe nga një shumicë Jo-Çifutësh të shartuar në Hardhinë e Vërtetë.<sup>6</sup> Ky do të ishte një komb i madh e i shenjtë i atyre që u çliruan nga jeta e vdekur e mëkatit për të marrë dhuratën e jetës së përjetshme.<sup>7</sup> Kurrë këta nuk do të kundërshtonin Zotin. Kjo ishte ringjallja e parë nëpërmjet fuqisë ringjallëse të Krishtit.<sup>8</sup>

Më 1964, unë, Toni Alamo, para ringjalljes sime të parë nëpërmjet Krishtit, njihesha prej të gjithëve për mëkatet që bëja dhe paudhësitë; isha fare i zbrazur nga çdo lloj dije për Zotin. Madje as që kisha ide se Zoti ekzistonte. Për mua Fjalët e Zotit s’ishin veçse përralla dhe mite dhe nuk arrija ta kuptoja se si ishte e mundur që njerëzit të besonin në Zot, ose në Birin e Tij. Nuk ma mbushnin mendjen as ata që thoshin se besonin në Zot, sepse këta s’ishin gjë tjetër veç hipokritë, që mëkatonin po aq sa edhe unë, në mos më shumë. Këtë mund ta them me siguri,

1. Eze. 36:1, 4 2. Eze. 37:3 3. Eze. 37:4, 5 4. Eze. 37:11 5. Zan. 17:4-16, 22:18, 26:4, 46:3, 48:19, 49:10, Eks. 19:6, 32:10, 1 Pj. 2:9-10, Gjo 11:51-52, Vep. 10:34-35, Ef. 1:10, Zbu. 5:9, 14:6, Heb. 8:8-12, Psa. 22:27, Isa. 2:2 dhe shumë të tjera. 6. Zbu. 7:4, Rom. 11:17, 19, 23, 24, Gjo 15:1 7. 1 Pj. 2:9 8. Zbu. 20:5-6, Kol. 2:12, 3:1, Rom. 15:12, 1 Kor. 15:15, 16, 1 The. 4:16

sepse unë vetë e vrisja kohën në shoqërinë e tyre. Të gjithë ne s'ishim veç një piring eshtrash të vdekura, të thara. Më hipnin nervat sa herë që ndonjë guxonte të përpiquej të më kthente në të Krishterë, sepse për mua Bibla ishte thjesht një humbje kohe. Jeta që bëja nuk më linte kohë për marifete të tilla, apo për përralla me mbret.

Në atë kohë më mbanin për numër një në fushën e marketingut. Shumë këngëtarë dhe aktorë të famshëm ma dinin mua për nder për karrierat e tyre të suksesshme. Gjithashtu, unë kisha bërë të mundur suksesin në treg të shumë produkteve shtëpiake. Atëherë gjëja më e tmerrshme për mua ishte ta përfytyroja veten të konvertuar dhe duke shpërndarë fletushka nga ungjilli për Krishtin, në qoshe të rugëve, duke jetuar në ndonjë mision që kujdesej për varfanjakët, duke predikuar ungjillin dhe duke organizuar turmat e të uriturve rreth ndonjë mense bamirëse.

Andej nga mesi i viteve 60, bota sikur nuk po më dukej dhe aq në vijë. Drogat nuk më pëlqenin, as njerëzit e fëlliqur, me moral prej derri. E urreja gjithçka që lëvizja e hipive po i bënte Hollivudit, Bulevardit Sanset dhe botës mbarë. Sa për vete, nuk them se isha ndonjë shenjtor. Në të vërtetë, as që më bëhej vonë se sa apo si mëkatonin njerëzit, mjaft që ata të mos e bënin në sy të familjeve me fëmijë të vegjël. Në sytë e mi bota ishte e marrë fund, e vdekur, e thatë, e mërzitshme dhe e shterë.<sup>9</sup> Kurrëgjëje nuk i kishte mbetur më vlerë. Ma merr mendja se edhe njerëz të tjerë e kishin kuptuar këtë po aq mirë sa edhe unë, prandaj bënin drogë, që të shpëtonin nga realiteti i hidhur. Vetë kishat ishin hipokrizi: dhe dukej se gjithkush e dinte këtë. Bota mbarë kish vdekur prej mëkateve dhe paudhësive të veta.<sup>10</sup> Bota ishte tanimë një luginë e stërmadhe, e shtruar me eshtra të thara, tamam si ato që iu përhinë në vizion Ezekielit.<sup>11</sup>

Unë e takova Jezuin në një zyrë në Beverli Hills, në mënyrë krejt të mbinatyrshme. Askush nuk mund ta marrë me mend se sa i tmerruar u ndjeva, por edhe sa i lumtur, kur Zoti më provoi se Ai vetë dhe i Biri ekzistojnë vërtet. U rrënqetha i gjithi kur përndjeva Shpirtin e Tij të Shenjtë dhe ia ndjeva zërin e fuqishëm të më përshkonte çdo qelizë të trupit, thua se isha një filtër i përshkuar nga këto fjalë tej e ndanë. Prania e Tij ishte e lavdishme dhe të ngrohte zemrën. Shpirti i Tij u mbështoll rreth meje si shtrëngimi i dorës së rëndë të Zotit. Dhe më tha këto fjalë: “Ngrehu në këmbë dhe tregoju të gjithë njerëzve në këtë dhomë për Zotin Jezu Krishtin dhe thuaju se Ai po kthehet në Tokë përsëri, përndryshe do të vdesësh me siguri”. Kur Shpirti i Tij më erdhi kështu në zyrë dhe më mëshoi përsipër, unë munda të zbuloja edhe mençurinë e Tij të patreguar e të pakufishme.<sup>12</sup> Ai ishte çdo atom, çdo

9. Mt. 13:39, Kap. 24, 1 Kor. 15:24, Heb. 9:26, 1 Pj. 4:7 10. Ef. 2:1, 5, Kol. 2:13 11. Eze. 37:1 12. 1 Sam. 2:3, Num. 24:16, 1 Kor. 1:25, 2:16, 3:19, Psa. 32:8, Job. 21:22, Fja. 2:6, 3:20, 9:10, Llu. 1:77, Rom. 11:33, 2 Kor. 4:6

molekulë. Ishte ajri që thithim. Dinte gjithë ç'kish ndodhur në të shkuarën, e gjithë ç'do të ndodhte në të ardhmen.<sup>13</sup> U ndieva ngushtë, sepse mendova se Ai dinte gjithçka që kisha bërë edhe unë vetë. Pastaj Ai më tregoi se si Parajsa dhe Ferri doemos ekzistojnë. E kuptova se ku po më çonte rruga që kisha marrë, sikur të mos u mbaja vesh atyre që më tha ... e sigurisht ajo nuk ishte Parajsa.

Megjithëse m'u mbush zemra me llahtarë,<sup>14</sup> prapëseprapë ishte një mrekulli të mësoje se Zoti ishte i vërtetë dhe i gjallë si edhe gjithçka tjetër që profetët dhe apostujt kishin thënë për Të. Ai nuk ka ndryshuar fare, që nga ditët kur krijoi Qiellin, dheun dhe gjithë ç'ka atje.<sup>15</sup> E kuptova menjëherë se që nga ajo ditë gjithnjë do t'i druhesha Atij, do ta adhuroja, do ta respektoja, do ta doja dhe do t'i shërbeja. E kuptova edhe se isha më se i gatshëm të jetoja për Të, të përndiqesha dhe të lija jetën për Të, madje me plot gaz e dëshirë.<sup>16</sup>

Pasi më shpëtoi Zoti prej asaj zyre, unë fillova ta pyes: "Çfarë kërkon nga unë që të bëj? Vetëm më thuaj dhe unë do ta bëj". Nuk mora ndonjë përgjigje, kështuqë mendova se mos ndoshta Ai donte që të shkoja në kishë. Me mendjen time thashë se kisha më e madhe do të ish më e mira, kështuqë u nisa dhe vajta atje, por Atë nuk e gjeta. Atëherë vajta në kisha të tjera, por Ai as atje nuk ishte. Pastaj u vura të lexoj libra që kishin në kapak figura burrash që dukeshin aq të urtë e besimtarë, me mjekrat e tyre të gjata e me rrobot e fesë. Mirëpo tani e dija se edhe librat e kishin gabim, pse më thoshin që Zotit nuk është për t'ia pasur frikën,<sup>17</sup> se Zoti nuk mund të jetë rrezik për njeriun dhe se mund të mëkatoje e prapë të mos përfundoje në Ferr.<sup>18</sup> Nuk doja t'ia dija për një Zot të tillë; unë kërkoja Zotin që më kishte kërcënuar,<sup>19</sup> Zotin që më kishte treguar Parajsën dhe Ferrin dhe që më kishte detyruar të bëja diçka që askush tjetër nuk mund të më detyronte ta bëja, diçka që unë kurrë nuk kisha dashur ta bëja.

Asnjëherë nuk e kisha menduar se e vërteta mund të gjendej në Bibël, sepse gjen shumë syresh në qarkullim. Me ç'më thoshte mendja, një gjë që pranohej si e mirëqenë prej të gjithëve nuk mund të ishte e mençur, sepse, siç kujtoja unë, të gjithë njerëzit ishin budallenj. Por më në fund nisa edhe unë ta lexoj Biblën dhe tamam aty gjeta planin e shpëtimit, si dhe udhëzimet për jetën e përvetshme që më mësuam se si të rritesha në Krisht dhe të bëhesha për Atë shpirtërisht një fitues madhor i shpirtit.<sup>20</sup>

Kur nisa të lexoj Biblën, ndjeva të më mëshonte po atë fuqi të Zotit që e kisha ndjerë edhe në atë zyrë në Beverli Hills. Pastaj Zoti më

13. Psa. 44:21, 1 Gjo. 3:20, 1 Kor. 3:20, Psa. 94:11, Isa. 46:9-10, Zbu. 21:6, 22:13 14. 2 Kor. 5:11, Zan. 35:5, Jer. 32:21, Job. 31:23, Lev. 26:16, Eze. 32:32 15. Mal. 3:6, Heb. 13:8, Zan 1:1, Vep. 4:24 16. Psa. 5:11, 35:19, Gjo. 16:33, Rom. 12:8, 15:13, Vep. 2:28, 20:24, Isa. 51:11, 61:10, 2 Kor. 8:12 17. Zan. 22:12, Psa. 112:1, Fja. 13:13, 14:16, 28:14, 31:30, Pre. 7:18 18. Fja. 8:36, Eze. 18:2, 4, Zbu. 19:20, 20:10, 14, 15, 21:8 19. Zan. 2:17, 6:7, 9, 13, Eks. 20:5, 34:7, 32:33, Mt. 8:12, 22:13, Zbu. 20:15, 2:5, 16, 22-23, 3:3, Mr. 16:16, Eze. 3:18, 18:20 20. Gjo. 4:35-36, 15:5, 8, 15-16, Zbu. 14:18

dërgoi vizione të tjera të Parajsës dhe të Ferrit.<sup>21</sup> Unë iu luta duke i thënë: “Zot, mos më degdis në Ferr!” Pastaj unë pashë Parajsën dhe ndjeva paqen që mbretëronte aty.<sup>22</sup> Megjithëse i verbër shpirtërisht, i shveshur dhe i pafuqishëm, i thashe Zotit se me plot dëshirë do të mbetesha i verbër, i shveshur e i pa vlerë veç të ndjeja përherë paqen hyjnore. Prapë m’u përhi Ferri dhe prapë iu luta Zotit për përdëllim dhe mëshirë. Pastaj fuqia e Atit, Birit dhe Shpirtit të Shenjtë hyri në trupin tim vdekëtar,<sup>23</sup> falë besimit tim në Jezuin dhe në gjakun që Ai derdhi për mua dhe falë besimit tim në Fjalët e Zotit, që i dëgjova dhe iu binda,<sup>24</sup> unë ndjeva se si çdo mëkat që kisha bërë m’u largua nga shpirti.<sup>25</sup> E ndieva veten të delirë dhe të kulluar.<sup>26</sup> Diçka vërtet e mrekullishme kishte ndodhur me mua dhe për mua, me vullnet të Krishtit Jezu, “Të Vetmit të Shenjtë të Izraelit”.<sup>27</sup> Kaq i lumtur u ndieva që isha çliruar prej mëkatit dhe që tashmë kisha këtë fuqi të re në vete që më mbronte nga të mëkatuarit, saqë desha t’ia kumtoj botës mbarë, kështu që edhe të tjerët të kishin mundësi ta njihnin Atë dhe të gëzonin jetën e përjetshme.

Edhe tani, pas më shumë se 31 vjetësh në shërbesë të Krishtit, e ndiej palcën shpirtërore të derdhet që nga Qielli nëpër këto eshtra të miat dikur krejt të thara, sa herë që ulem të lexoj Biblën. Fjala e Zotit i ka veshur me muskuj shpirtërorë këto eshtra dikur aq të thara, duke i mbuluar me mishin dhe lëkurën e mburojës shpirtërore. Çdo Fjalë e Zotit e ka shartuar më thellë Krishtin në zemrën time. Ende mund ta ndiej çdo Fjalë të Tijën që më fryn në gojë frymë nga Shpirti i Shenjtë, duke më dhënë fuqi të qëndroj në këmbë e t’i shuaj të gjitha shigjetat e zjarra me të cilat më ka goditur Satanai me vite të tëra. Çdo ditë po e kuptoj gjithnjë e më shumë se “ne jemi më shumë se fitimtarë” në Krishtin Jezu,<sup>28</sup> dhe se “kemi marrë plotësinë në Të”.<sup>29</sup> Po ashtu e kuptoj sa e rëndësishme është të ndjek çdo Fjalë të Jezuit, i cili, vetëm pak çaste përpara se të ngjitej në Qiell në një re, tha: “Dilni në mbarë botën dhe i predikoni ungjillin çdo krijese”.<sup>30</sup> (I predikoni çdo eshtre të tharë, atyre që janë shpirtërisht të vdekur, në mënyrë që edhe ata të mund ta “dëgjojnë Fjalën e Zotit”.<sup>31</sup>) “Ai që beson dhe është pagëzuar, do të jetë i shpëtuar; por ai që nuk ka besuar, do të jetë i mallkuar”.<sup>32</sup>

Në qoftë se edhe ju jeni si unë dhe nuk dëshironi t’ju mallkohet shpirti, por përkundrazi, që të jeni ndër të shpëtuarit, atëherë lutjuni Zotit kështu:

21. Vep. 7:55-56, Llu. 16:22-31, Zbu. 4:1-11, 15:1-4, 21:2-5, 10-27, 22:1-5, Isa. 5:14, 14:9, Zbu. 14:10-11, 20:10 22. Rom. 5:1, Ef. 2:14, Fil. 4:7, Kol. 3:15, 1 The. 5:23, 2 The. 3:16 23. 2 Kor. 6:16, 1 Pj. 2:5, Lev. 26:11-12, Gjo. 14:16, 1 Gjo. 3:24 24. Hab. 2:4, Mt. 17:20, Llu. 7:50, Vep. 20:21, 26:18, Rom. 1:17, 3:28, 5:2, 10:17, 11:20, Gal. 2:16, 3:11, Ef. 2:8, 3:17, Heb. 10:38 25. Mr. 14:24, Gjo. 6:53, Vep. 20:28, Rom. 3:25, 5:9, Ef. 1:7, 2:13, Kol. 1:14, 20, Heb. 9:12, 14, 22, 1 Pj. 1:18-19, Zbu. 1:5, 5:9 26. 1 Gjo. 1:7, Heb. 10:19-22, Zbu. 1:5, 7:14 27. Psa. 89:18, Vep. 3:13-14 28. Rom. 8:37, 1 Gjo. 4:3-4 29. Kol. 2:10 30. Mr. 16:15, Llu. 14:23 31. Eze. 37:4, 2 Mbr. 20:16, Isa. 1:10, Jer. 2:4 32. Mr. 16:16, 2 The. 2:12

Zoti im e Perëndi, ki mëshirë për shpirtin tim mëkatar.<sup>33</sup> Unë besoj se Jezu Krishti është Biri i Zotit të gjallë.<sup>34</sup> Unë besoj se Ai vdiq në kryq dhe e derdhi gjakun e Tij të çmuar për faljen e të gjitha mëkateve të mia.<sup>35</sup> Unë besoj se Zoti e ngjalli Jezuin së vdekurish me fuqinë e Shpirtit të Shenjtë<sup>36</sup> dhe se Ai pikërisht në këtë moment rri ulur në krah të djathtë të Zotit dhe dëgjon rrëfimin tim të mëkateve dhe këtë lutje.<sup>37</sup> Po i hap portat e zemrës dhe po Ju ftoj Ju në zemrën time, Zot Jezu.<sup>38</sup> Me gjakun e çmuar që Ti derdhe në vend tim mbi kryq në Kalvar pastromë nga mëkatet.<sup>39</sup> Ti nuk do të më kthesh mbrapsht, Zot Jezu; Ti do të më falësh mëkatet dhe do të ma shpëtosh shpirtin, sepse vetë Fjala Jote, Bibla, thotë kështu.<sup>40</sup> Fjala Jote thotë se Ti nuk do të kthesh mbrapsht askënd, pra as mua.<sup>41</sup> Prandaj e di se Ti më ke dëgjuar dhe e di se Ti më je përgjigjur dhe e di se tashmë jam i shpëtuar.<sup>42</sup> Të falem nderit, Zot Jezu, për shpirtin që më shpëtove dhe mirënjohjen time do ta tregoj duke bërë ashtu si më urdhëron Ti dhe duke mos mëkatuar më.<sup>43</sup>

Tani që jeni të shpëtuar dhe ju janë falur mëkatet, ngrini duart dhe faljuni Zotit. Tanimë Krishti jeton në ju nëpërmjet Shpirtit të Shenjtë dhe ju mund të merrni në vete një pjesë më të madhe të natyrës hyjnore të Zotit. Zoti Atë jeton në ju gjithashtu. Sa më shumë të ketë në ju nga natyra hyjnore e Zotit, aq më mirë do të mund t'ju bëni ballë tundimeve që i kanë larguar, me aq lehtësi, shumë miliona të Krishterë nga rruga e shpëtimit. Kjo ka ndodhur sepse brenda nesh kemi pasur më shumë njeriun se sa Zotin. Kaq i mbrapshtë është bërë njeriu, sa edhe sikur Satanai dhe ushtria e tij e djajve të zhdukeshin, ne vetë do të ishim djalli i vetvetes.

Tani që jeni të shpëtuar, lutuni për pagëzimin në Shpirtin e Shenjtë. Studioni Fjalën me përgjëraturë dhe lutuni që të merrni në vete gjithnjë diçka më shumë nga natyra hyjnore. Për udhëzime se si të pagëzoheni në Shpirtin e Shenjtë dhe si të merrni në vete më shumë nga natyra hyjnore e Zotit, kërkoni që t'ju dërgojmë materiale për të lexuar, ose telefononi. Sepse pa shenjtëri, asnjeri nuk do ta shohë Zotin (Hebrenjtë 12:14).

Tani që jeni të shpëtuar, ju duhet të zhyteni e të pagëzoheni në ujë në emër të Atit dhe në emër të Birit dhe në emër të Shpirtit të Shenjtë. Ndiqni të gjitha urdhërat e Zotit dhe jetoni.

Ju vëmë në dispozicion literaturën tonë të larmishme në shumë gjuhë. Lexoni gjithë informacionin rreth kishës dhe dëgjoni muzikën kishtarë në faqen tonë ne internet në [www.alamoministries.com](http://www.alamoministries.com).

**33.** Psa. 51:5, Rom. 3:10-12, 23 **34.** Mt. 26:63-64, 27:54, Llu. 1:30-33, Gjo. 9:35-37, Rom. 1:3-4 **35.** Vep. 4:12, 20:28, Rom. 3:25, 1 Gjo. 1:7, Zbu. 5:9 **36.** Psa. 16:9-10, Mt. 28:5-7, Mr. 16:9, Gjo. 2:19, 21, 10:17-18, 11:25, Vep. 2:24, 3:15, Rom. 8:11, 1 Kor. 15:3-6 **37.** Llu. 22:69, Vep. 2:25-36, Heb. 10:12-13 **38.** Rom. 8:11, 1 Kor. 3:16, Zbu. 3:20 **39.** Ef. 2:13-22, Heb. 9:22, 13:12, 20-21, 1 Gjo. 1:7, Zbu. 1:5, 7:14 **40.** Mt. 26:28, Vep. 2:21, 4:12, Ef. 1:7, Kol. 1:14 **41.** Rom. 10:13, Jak. 4:2-3 **42.** Heb. 11:6 **43.** Gjo. 8:11, 1 Kor. 15:10, Zbu. 7:14, 22:14

Kisha e Krishterë Alamo siguron fjetje dhe ushqim për të gjithë ata që dëshirojnë vërtet t'i shërbejnë Zotit.

Mund t'u dërgojmë Bibla atyre që nuk janë në gjendje t'i blejnë. Kërkoni edhe materiale të tjera të shkruara nga Pastori Alamo.

**Tony Alamo, World Pastor**  
**Holy Alamo Christian Church**  
**P.O. Box 398**  
**Alma, Arkansas 72921 USA**  
**Linja telefonike 24-orëshe**  
**për lutje dhe për informacion:**  
**(479) 782-7370**  
**FAKS (479) 782-7406**

Kërkoni edhe librin prej 85-faqesh të Pastorit Alamo me titull *Mesia*, ku tregohet se si Krishti shfaqet në më shumë se 333 profeci të Dhjatës së Vjetër. Mund t'ju dërgojmë edhe mesazhe të regjistruara në kasetë.

Kush prej jush jeton në vende të tjera, është i mirëpritur t'i përkthejë këto materiale në gjuhën e vet amtare. Nëse i botoni përkthimet tuaja, lutemi të shtoni sa më poshtë në lidhje me të drejtën e autorit dhe regjistrimin:

© Copyright nëntor 1995, Rezervohen të gjitha të drejtat  
Pastori Botëror Tony Alamo © Regjistruar në nëntor 1995

### **Kisha në Los Anxheles**

13136 Sierra Hwy., Canyon Country, California 91390

Shërbesat kryhen çdo mbrëmje në orën 20:00,

të dielave në orën 15:00 dhe 20:00.

### ***PAS ÇDO SHËRBESE DO TË SERVIREN TË NGRËNA***

Për të shkuar në kishë dhe për t'u kthyer

mund të shfrytëzohet transporti pa pagesë, në këndin e Hollywood Blvd. & Highland Ave., Hollywood, California, çdo ditë në orën 18:30, të dielave në 13:30 dhe në 18:30.

Shërbesat kryhen gjithashtu çdo mbrëmje në Fort Smith,

Arkansas; si dhe pesëmbëdhjetë minuta

në jug të Texarcana, Arkansas.

Merrni në telefon për adresat dhe për oraret.

***KRISHTI, FJALA E ZOTIT, ËSHTË RRUGA E VETME, E VËRTETA DHE JETA E PËRJETSHME.<sup>44</sup> PASTORI ALAMO NJIHET NË BOTËN MBARË SI NJË NJERI QË E PËRDOR FJALËN E ZOTIT VETËM PËR TA PARAQITUR ATË SI TË VËRTETË. KY MATERIAL PËRMBAN PLANIN E VËRTETË TË SHPËTIMIT.<sup>45</sup> KUR TË MENDONI SE NUK JU DUHET MË, PËRCILLJANI NJË TJETRI.***

Shkrimet e shenjta të cituara këtu u morën nga origjinali në aramaikisht dhe në hebraisht, nga përkthimi i Mbretit Xhejms, dhe nga versioni i përkthyer në shqipe.

(The Holy Alamo Christian Church is a division of Music Square Church, Inc.)